

## Plenchi

### Bèl a bati

Trin trin trin yega serka. Subi nos plenchi di tur siman pa nos por kompartí. Tur siman nos ta kontentu di risibibu riba nos plenchi. Nos ta antisipá riba e dia aki i ta kontentu di mira bo riba plenchi.

Nos ta bai boltu e prome luna kaba di 2015, asina lihe. No warda muchu pa hasi loke bo tin plania.

Preparashonnan pa Karnaval 2015 ta kanando awor si riba spit haltu. Ya elekshon di reina i prens tiner i di karnaval grandi ta tras di lomba. Inskripshon di tumba a tuma lugá. E siman ku ta dreña aki ta fesival di tumba. Tumba a kuminsa ta resoná tur kaminda kaba. Kantante i areglistanan ta trahando duru pa nan drecha aki aya. Ensayonan ta tumando lugá te den oranan lat di anochi. Paso tur ke hasi un bon presentashon. Plenchi di festival senter lo ta yen e siman ku ta bini. Yen di hende alegre i yen di músika pa alegre nan mas. Biba nos kultura ku respet i orguyo.

Den skolnan tambe e hobennan a sinti keintura di karnaval.

Mayornan pone ekstra tinu i atenshon na boso yunan e temporada aki. Duna nan e ehempel kon balansá entre goso i deber. Pa nan siña pone prioridat den bida.

Bin tira un bista den e huki di plenchinan di skol ku nos awe. Bo ta semper bon bini.

Pasa un dushi wikent.

### Orashon

Señor, pordoná mi tur piká.

Duna mi pasenshi i perseveransha.

Guiami ku bo lus.

Lagami ta hustu segun Bo ley Señor.

Danki pa Bo amor inkondishonal.

Amen

### Noté den Agenda

- Tuma nota di kambio di areglo di *VUT pa enseñansa*. Tur skol a hana e informashon. Puntra pe pa bo ta informá.
- Tur trahadó den enseñansa mester skohe un dokter di kas i un botika pa nan seguro di BZV. Yená bo formulario paso pronto ta un dokter so bo por bishitá i traha resèpt na un solo botika. Puntra bo direktor informashon pa bo por kumpli ku bo parti.

## **Den agènda**

**Liber di skol**

**9 februari 2015 karnaval di mucha**

**16 febr t/m 20 febr. 2015 karnaval grandi**

**1 t/m 10 april 2015 Pasku di resurekshon**

## **Mi ta konta**

### **Suerte of mala suerte**

**Manchi e kunukero, tabatin un kabai ku el a yama Fury, pa yude ku su trabounan den kunuku. E tabata stima e kabai masha i tabata depende di dje pa mayoria trabou den kunuku.**

**Un dia el kabai a sali kue galòp i disparsé. Ku dolor na su kurason Manchi a keda so ku tur trabou. Bisiñanan a bin konsolá Manchi ku su malasuerte. Nèt den e temporada di kosecha, el a perde su Fury.**

**Manchi a yama nan danki i a kontestá: “kiko ta mala suerte i kiko ta suerte.”**

**Despues di dos dia Fury a regresá ku 2 buriku di mondi. Manchi no por a kere su bista. Awor e tabatin mas yudansa pe trabou. Su yu por a kore ku un buriku duné un man. Bisiñanan a bin felisitá Manchi ku e tin suerte di tin un kabai asina fiel, ku te hasta a trese mas bestia pa yudé.**

**Manchi a kontestá: “Kiko ta suerte i kiko ta mala suerte.”**

**Despues di 2 dia un di e burikunan di mondi a benta yu di Manchi for di su lomba. E yu a kibra un pia. Bisiñanan a bolbe bin paga atenshon.**

**Nan a bisa Manchi “esta un malasuerte.” Manchi a bolbe kontestá:**

**“Kiko ta malasuerte i kiko ta suerte.”**

**Despues di 4 dia gobiernu a anunsia ku tur mucha homber riba 18 mester drenta dienst pa 1 año. Manchi si yu tabatin 19 año. Pero ku su pia kibra e no por a drenta, nan a dune dispensashon. Bisiñanan si mester a mira nan yunan drenta dienst. Atrobe bisiñanan a bisa: “Bo tin suerte Manchi.” Manchi a ripití manera semper: “Kiko ta suerte i kiko ta mala suerte.”**

**Tur kos ta depende kon bo ta wak bida. (Adaptá for di Hein Pragt)**

## **Un preñchi**


**St. Rosa di Lima school a selebrá misa na okashon di Birgen de Altagracia.**



**Sta Rosa de Lima a selebrá bunita misa di La Birgen di Altagracia.**



**St. Rosa de Lima su hobennan selebrando fiesta di La Birgen di Altagracia**



**Yúfrou Mary de st. Rosa de Limaschool tambe tabata di fiesta Dia 21 di yanuari ku a selebrá fiesta di La Birgen di Altagracia. Patrona di parokia di Steenrijk. Pabien yúfrou, hopi ana mas di bida.**

.



**Selebrashon di st. Rosa de Lima ku patrona di Steenrijk La Birgen de Altagracia.**

### **Mucha djispou**

**Sandra ta sinta na mesa ta kome ku su mayornan i rumannan. Kada bes e ta rèk su man pasa dilanti di tur otro pa e kue algu. Di tres biaha ku el a rèk el a basha e glas di awa di su mama riba mesa. “Sandra pakiko bo ta rèk bo man asina leu? Bo no tin boka?”**

**Sandra a kontestá: “Pero mama, mi boka no ta yega asina leu, mi man si.”**